



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Praeclarvm Certamen S. Petri Aulani, ab Anastasio S. R. E. Bibliothecario,
latinitati donatum, Consummatum verò sub Maximiano Imperat. qui
regnauit Anno Christi Saluatoris 301. & sequentibus. Sunt ...

urn:nbn:de:hbz:466:1-42667

est. Lux namque cælitus eum circumdedit, quæ
carnificum oculos tanta claritate perstrinxit, vt
obducta caligine palpitarent, agnitaque perfidia
martyris auxilium supplices implorarent. Qui
salutaribus vndis per Christianos expiati, nono
post die, & pristina oculorum luce, & nouo S.
Spiritus gaudio donati sunt. Corpus verò marty-
ris, vndarum impulsu ad littus iactatum, magno
Christianorum gaudio iuxta muros ciuitatis, in
villa Adamanti nomine sepultum est.

Miraculum.

Carnifices,
ad Christi
conuersi,
Baptizatur.
Locus se-
pulturæ S.
Theogenis
marr.

PRÆCLARVM CERTAMEN S. PETRI
*Aulani, ab Anastasio S. R. E. Bibliothecario, Latinitati
donatum, Consummatum verò sub Maximiano
Imperat. qui regnavit Anno Christi Salua-
toris 301. & sequentibus. Sunt au-
tem hac eius Passionis &
Acta, planè ger-
mana.*

Vide Cæf.
Bar. in not.
Rom. Marr.

Item Tom.
2. Annal.

Petrus, qui & Balsamus dictus est, à finibus E-
leutheropolitanæ ciuitatis oriundus, tem-
pore persecutionis comprehensus, Seuero
præfidi oblatus est. A quo de nomine, genere &
officio percunctatus respondit, paterno se nomi-
ne Balsamum, baptismatis verò gratia Petrum ap-
pellari: genere Christianum; cuius officium cum
nulla sæculi huius dignitate comparari possit.
Tum Præses. Parentesne tibi sunt? Respondit Pe-
trus; Christus me omnia, cum pro eius nominis
confessione certandum est, denegare docuit. Ad
quæ Præses: Nosti, inquit, inuictissimorum præce-
ptum Imperatorum, quo vel dijs tibi sacrifican-
dum, vel diris supplicijs & cruciatibus morien-
dum

4. Ianuarij.

E 5

dum

dum est? Imo, inquit martyr, noui ego summi & omnipotentis Dei & regis mei præceptum, quo, sceleratis falsorum deorum cultoribus acerbissimum, in omni sæculorum æternitate supplicium, subeundum est. Ad quæ blanda lenique voce Præses subintulit; Præbe mihi te dicto audientem, ô Petre, tuique miserere: & dijs sacrificia. Cui excelso animo martyr respondit; Præclare mei miserus fuero, si nec dijs sacrificauero, & pro Christi gloria in veritatis confessione occubero; quare rumpe moras & tuorum mandata Imperatorum exequere. Tunc Præses suspendi eum iubet, suspensumque, quo animo affectus esset, interrogat; Cui Petrus, iube adhiberi vngulas, ego enim in Christi confessione perseuero.

Præclare
martyris
vox.

Pfallit in
tormentis.
Psalm. 16.

Torquetur igitur fortiter Dei martyr, sed cum nulla omninò doloris significatione data, voce iucunda pfalleret; vnam petij à Domino hanc requiram, vt inhabitem in domo Domini omnibus diebus vitæ meæ, Præses iracundiæ facibus vehementer inflâmatus, alios accedere carnifices iussit. Turba verò crudeli spectaculo, propter ingentem sanguinis vim, ex omni corporis parte in terram defluentem, ad misericordiam excitata: clamare cœpit. Miserere tui ô homo, dijsque, vt te ab his pœnis eripias, sacrificia. Ad quæ constanti inuictoque animo martyr; Hæ pœnæ nullæ sunt, nec aliquem mihi grauioris doloris sensum incutiunt; sed si à veri Dei confessione, ad impium inanium deorum cultum defecero, tum demùm in veras horribilesque pœnas, nullo vnquam temporis spatio finiendas, incidam. Tum rursus ad Christi martyrem conuersus Præses ait; Petre, nisi pœnitentiâ ductus dijs sacrificaueris, ego te morti, sententiâ condemnatum, tradam. Et hoc est, inquit mar-

Constantia
eius.

martyr, quod tota mentis auiditate expecto. Tunc Præfes hanc in eum sententiam tulit. Petrum, inuictissimorum principum contemptorem, propter legem Dei sui cruci affigi præcipio. Sic venerabilis Christi athleta, foelici agone apud Aulonam ciuitatem, tertio Nonas Ianuarij, sub Maximiano Imperatore finem suum compleuit.

Crucl] affi-
gitur.

INSIGNE MARTYRIVM S. GORDII

Militis, ex eo quod est, à S. Basilio magno, oratione Panegyrica conscriptum. Quod spontaneus subiit, anno Incarnati verbi 304. sub Galerio Maximiano, in Oriente solo post Diocletianum regnante, anno eius Imperij 1.

Vide Cæs.
Baro. Tom.
2. Annal.

Sanctus Gordius ciuis Cæsariensis, egregia militiæ laude præcellens, cunctis inter ordines militibus præstantior habitus, centurionis dignitate eminuit. Cum autem impius, qui tunc imperitabat tyrannus, virus suæ feritatis in Christianum nomen effunderet, totaque vrbe, ne quis Christum adoraret, crudeli mortis proposito edito præconis tuba sanaret, & idola interim adoranda, lignea lapideaque hominū simulachra, pro vero numine colenda proponerentur, totaque ciuitas, rei nouitate attonita, tumultuaretur, & miserabili mulierū & puerorū eiulatu cōpleretur, infontesque Christiani indignis modis ad cædē raperentur, Pater filiū, filius patrē accusaret, frater aduersus fratrem insaniret, seruus domino insultaret, adeoque diabolicis artibus hominum animi affectu teneretur, vt veluti in tenebris agentes, sese minime cognoscerent, generosus Centurio Gordius, ardētiss.

Galerius
Maximianus.

Dira persecutio Christianorum.